


Svjetlost sunca

— ŠKOLSKI LIST —



NASLOVNA STRANA 39.
BROJA ŠKOLSKOG LISTA
„SVJETLOST SUNCA“

LIKOVNI RAD UČENICE
ILME SOFTIĆ



MAJ 2026. GODINE, 39. BROJ

REDAKCIJA ŠKOLSKOG LISTA „SVJETLOST SUNCA“

POZDRAVNA RIJEČ REDAKCIJE

Upućujemo srdačan pozdrav svim učenicima, nastavnicima, uposlenicima i saradnicima škole i sa zadovoljstvom predstavljamo 39. broj školskog lista Svjetlost sunca.

U Osnovnoj školi „Aleksa Šantić“ postoji preko 40 različitih sekcija, odnosno različitih vidova vannastavnih aktivnosti kroz koje učenici, pored redovne nastave, realiziraju svoja interesovanja i sposobnosti. Jedan od načina da se ostvari vizija škole da svako dijete ima pravo i priliku na kvalitetno obrazovanje je i uključivanje svih učenika u vannastavne aktivnosti.

Učešćem u aktivnostima Novinarske sekcije učenici imaju priliku da pokažu svoje afinitete, sklonosti i interesovanja, kao i da predstavljaju život i rad škole. Različite aktivnosti svih sekcija svakodnevno oplemenjuju školski prostor, čine ga ljepšim i ugodnijim za boravak i prožete su dječijom pozitivnom energijom, čistim emocijama, maštom i vedrinom. Pored nastojanja i želje da se obuhvate mnogobrojne aktivnosti, uspjesi i postignuća učenika i nastavnika, broj stranica školskog lista ograničava članove Novinarske sekcije da ih sve predstavljaju. Ta činjenica ne umanjuje njihovu vrijednost i doprinos u ostvarivanju misije i vizije škole.

Da bismo prikazali sve aktivnosti, uspjehe i postignuća koja su učenici i uposlenici škole ostvarili zajedničkim trudom i zalaganjem u školskoj 2025/26. godini, potrebno nam je mnogo više strana nego što ih ima naš školski list Svjetlost sunca. Nadamo se da ćete uživati čitajući sadržaje koje smo odabrali i priredili za vas jer nam je cilj da vas na objektivan i odgovoran način informišemo o životu i radu u našoj školi. Nastojimo da svaki naredni broj bude bolji i interesantniji, a u tome nam mogu pomoći vaše pozitivne i negativne kritike, kao i prijedlozi i sugestije. Bilo bi nam drago da nam se pridružite!



* Likovni rad „Rođendan naše škole“, koji krasi naslovnicu školskog lista, nacrtala je Ilma Softić, učenica VI-1 odjeljenja.

VIZIJA ŠKOLE

- Svako dijete ima pravo na kvalitetno obrazovanje
- Škola koja je otvorena za svu djecu i pruža im jednaka prava i mogućnosti obrazovanja
- Škola koja podržava kreativnost i maštovitost učenika, te uvažava njihova mišljenja

www.osas.edu.ba

RAZGOVOR SA DIREKTORICOM ŠKOLE

Članovi Novinarske sekcije i Redakcije školskog lista Svjetlost sunca razgovarali su s direktoricom naše škole Aminom Delić-Zimić.

- Prije svega želimo da Vas pozdravimo i da se zahvalimo što ste odvojili vrijeme za razgovor s nama. Prije nego što ste postali direktorica naše škole, raditi ste dugo kao učiteljica. Šta Vas je inspirisalo da postanete prosvjetni radnik?

Prvenstveno ljubav prema djeci, kako bi postali što bolji ljudi, imali želju za znanjem, odgojem i obrazovanjem, ali i želja da doprinesem društvu kroz obrazovanje, da prenosim ljubav prema znanju i da budem podrška djeci u njihovom razvoju i stvaranju budućnosti.

- Smatrate li da se obrazovanje danas razlikuje od vremena kad ste Vi bili učenik?

Naravno da se obrazovanje danas razlikuje od vremena kada sam ja bila učenik. Nekada su metode bile jednostavnije, više se oslanjalo na knjige i klasičnu nastavu, dok se danas koriste savremene tehnologije, digitalni alati i interaktivni pristupi. Djeca imaju mnogo više informacija na raspolaganju, ali je zato i izazov veći – naučiti ih kako da te informacije pravilno koriste i razviju kritičko mišljenje.

- Možete li nam reći koji posao Vas više ispunjava i koji posao za Vas predstavlja veći izazov – posao učiteljice ili direktorice škole?

Posao učiteljice mi je uvijek donosio posebnu radost jer sam bila u neposrednom kontaktu s djecom, pratila njihov razvoj i svakodnevno učila zajedno s njima. Međutim, posao direktorice predstavlja veći izazov jer zahtijeva širu odgovornost – vođenje cijele škole, donošenje odluka koje utiču na učenike, nastavnike i roditelje, te stvaranje uslova da svi zajedno napredujemo. Dakle, učiteljski poziv me ispunjava srcem, a direktorska uloga me motiviše kroz izazove i mogućnost da napravim promjene na višem nivou.

- Koje promjene ste uveli kada je u pitanju naša škola, a koji su planovi i aktivnosti koje želite ostvariti u narednom periodu kad je u pitanju Osnovna škola "Aleksa Šantić"?

Od kada sam preuzela funkciju direktorice, nastojala sam da škola bude mjesto gdje se djeca osjećaju sigurno, motivisano i podržano. Uveli smo niz aktivnosti koje jačaju saradnju između nastavnika, roditelja i učenika, unaprijedili smo vannastavne sadržaje i radili na modernizaciji nastavnog procesa kroz digitalne alate. Posebno bih istakla plan dogradnje škole, parcele su već prevedene i sada čekamo sporazum sa Ministarstvom za odgoj i obrazovanje. To će nam omogućiti bolje prostorne uslove, više učionica i kvalitetnije okruženje za rad. U narednom periodu želim da se fokusiramo na jačanje inkluzivnog obrazovanja, dodatnu podršku talentovanoj djeci, kao i projekte koji povezuju školu sa lokalnom zajednicom.

- Za kraj našeg razgovora želimo da Vam se zahvalimo što ste nas ljubazno ugostili, izdvojili vrijeme za nas i dali odgovore na naša pitanja. Šta biste poručili učenicima naše škole?

Moja poruka učenicima je da uvijek vjeruju u sebe, da budu radoznali i hrabri u traženju znanja. Škola nije samo mjesto učenja, već i mjesto gdje se grade prijateljstva, razvijaju vrijednosti i oblikuje karakter. Budite uporni, poštujujte svoje nastavnike i roditelje, ali najviše vjerujte u vlastite sposobnosti. Znanje je vaša najveća snaga i ključ za budućnost.



RAZGOVOR SA
DIREKTORICOM ŠKOLE
DR. SCI.
AMINOM DELIĆ-ZIMIĆ

RAZGOVOR SA POMOĆNIKOM DIREKTORICE SAMIROM ČATOVIĆEM

RAZGOVOR SA POMOĆNIKOM DIREKTORICE



Članovi Novinarske sekcije i Redakcije školskog lista Svjetlost sunca razgovarali su s pomoćnikom direktorice Samirom Čatovićem.

Prije svega želimo da Vas pozdravimo i zahvalimo što ste odvojili vrijeme za razgovor s nama.

- **Koliko dugo ste na poziciji pomoćnika direktorice?**

Na poziciji pomoćnika direktorice sam od 29. januara 2026. godine. Još sam relativno kratko na ovoj funkciji, ali mogu reći da je ovaj period bio veoma dinamičan i pun novih iskustava.

- **Šta podrazumijeva posao pomoćnika direktorice?**

Posao pomoćnika direktorice je raznolik. Podrazumijeva svakodnevnu organizaciju rada škole, saradnju s nastavnicima, učenicima i roditeljima, kao i rješavanje različitih situacija

koje se pojave tokom školskog dana. U suštini, važno je da škola funkcioniše mirno, uredno i u najboljem interesu učenika.

- **Koliko je zahtjevna uloga pomoćnika i koliko u sebi nosi odgovornosti?**

Ova funkcija je zaista zahtjevna i nosi veliku odgovornost. Svaki dan donosi nove obaveze i različite situacije, ali upravo to ovaj posao čini posebnim. Važno je ostati smiren, pravedan i uvijek imati na umu dobrobit učenika.

- **Radili ste dugo kao nastavnik. Možete li uporediti ulogu nastavnika sa ulogom pomoćnika direktorice?**

Kao nastavnik sam 23 godine bio neposredno uz učenike, pratio njihov razvoj, uspjehe i svakodnevne izazove. To iskustvo mi danas mnogo znači. Kao pomoćnik direktorice imam širu odgovornost jer se gleda cjelokupan rad škole, ali ono što se nije promijenilo jeste da su učenici i dalje u središtu svega što radimo.

- **Učenici Vam se često obraćaju za pomoć. Da li je to jedan od većih izazova Vašeg posla?**

Jeste, ali to doživljam i kao veliko povjerenje. Kada učenik dođe po savjet ili pomoć, važno mi je da osjeti da je saslušan i shvaćen. Nekad nije jednostavno pronaći najbolje rješenje, ali trudim se da uvijek pristupim smireno, pravedno i s razumijevanjem.

- **Za kraj našeg razgovora, šta biste poručili učenicima naše škole?**

Poručio bih im da vjeruju u sebe, da budu uporni i da ne odustaju kada naiđu na prepreke. Škola nije samo mjesto gdje se stiče znanje, nego i mjesto gdje učimo poštovanju, odgovornosti i međusobnom razumijevanju. Iskoristite to vrijeme na najbolji mogući način.



POSJETE, PROJEKTI,
OBILJEŽAVANJA
DATUMA, PRIREDBE...

SVJETSKI DAN PISMENOSTI

U našoj školi tradicionalno se obilježava Svjetski dan pismenosti. Učenici VI razreda su na času bosanskog jezika i književnosti sa nastavnicom Amirom Piknjač različitim aktivnostima obilježili ovaj značajni datum. Članovi Novinarske i Bibliotekarske sekcije su, u inspirativnom okruženju školske biblioteke predstavljanjem omiljenih knjiga i isticanjem značaja pismenosti, također, dali doprinos obilježavanju. S njima je direktorica škole Amina Delić-Zimić razgovarala o Danu pismenosti, čitanju i učenju. Pomoćnica direktorice Amela Ahmethodžić je iz svoje kućne biblioteke donirala školi knjige u čijem će čitanju



uživati naši učenici.

Članovi Filmske sekcije, zajedno s nastavnicama Alzirom Maljić i Nerminom Dedić, realizovali su kreativne aktivnosti s ciljem podizanja svijesti o važnosti pismenosti. Kroz razgovor, radionice i snimanje kratkih videoporuka, učenici su istraživali različite oblike pismenosti – od jezičke do digitalne i medijske. Aktivnost je bila prilika da se učenici izraze na kreativan način i razmisle o ulozi pismenosti u svakodnevnom životu.



EVROPSKI DAN JEZIKA

Evropski dan jezika obilježava se 26. 9. na inicijativu Vijeća Evrope s ciljem da se očuvaju i poboljšaju jezičke raznolikosti. Članovi Novinarske i Bibliotekarske sekcije te učenici VI razreda obilježili su ovaj datum uz podršku nastavnice Amire Piknjač i bibliotekarke Indire Hadžihasanović. Akcenat su stavili na značaj učenja stranih jezika i upoznavanje drugih i drugačijih kultura, te na značaj cjeloživotnog učenja u školi i izvan nje.



POSJETE, PROJEKTI,
OBIJEŽAVANJA
DATUMA, PRIREDBE...

Prvi sastanak stakeholdera projekta RealUrbanGreen

U prostorijama Gradske uprave Grada Sarajeva održan je 29. 8. 2025. godine prvi sastanak stakeholdera u okviru projekta RealUrbanGreen. Na sastanku je formirana radna grupa projekta, a predstavljeni su projekat, njegovi ciljevi i svrha. Sastanku su prisustvovali predstavnici Asocijacije pejzažnih arhitekata, Škole za srednje stručno i radno osposobljavanje, Zavoda za planiranje razvoja KS, Centra za zdravo starenje Općina Centar, Udruženja Zdravo živi – zdravo stari, Poljoprivrednog fakulteta UNSA I JU OŠ "Aleksa Šantić". Našu školu su na sastanku predstavljale Amela Ahmethodžić i Sabina Karović. Sudionici su razmijenili ideje o razvoju održivih urbanih zelenih površina i inkluzivnom pristupu planiranju. Projekt RealUrbanGreen ima za cilj razvoj zdravih urbanih zelenih površina i povećanje njihove otpornosti na klimatske promjene.



POHOD STAZAMA DRUGE VITEŠKE BRIGADE



Učenci IX razreda naše škole 18. 09. 2025. godine su učestvovali u pohodu - maršu "Stazama Druge viteške brigade" u sklopu manifestacije obilježavanja 33. godišnjice od formiranja Druge viteške brigade i 17. godišnjice postojanja Udruženja Druge viteške brigade. Na krajnjoj tački "Švabino brdo" učenici su prisustvovali času historije. U pratnji učenika je išla nastavnica geografije Erna Nuhanović.

DONACIJA KNJIGA

Našu školsku biblioteku posjetio je pisac Elvir Halilović, autor knjige „Priče iz srolike zemlje“. Tokom posjete i druženja, pisac je školskoj biblioteci poklonio 10 primjeraka svoje knjige, uz poruku da se čitanjem otvaraju nova vrata mašte i znanja. Zahvaljujemo se piscu Elviru Haliloviću na posjeti i vrijednoj donaciji i radujemo se novim druženjima uz knjigu i razgovor o književnosti.



POSJETE, PROJEKTI, OBILJEŽAVANJA DATUMA, PRIREDBE...

OŠ „ALEKSA ŠANTIĆ“ DIO BIODIVERCITY PROJEKTA

Učenici Osnovne škole „Aleksa Šantić“ Sarajevo učestvovali su na Dissemination event u okviru međunarodnog BiodiverCity projekta, koji je Grad Sarajevo organizovao kroz Službu za održivi razvoj. Događaj je održan na Poligonu Poljoprivrednog fakulteta i okupio je partnere, stručnjake i prijatelje iz oblasti održivog razvoja, zaštite okoliša i inkluzivnosti. Naša škola je ponosna što su učenici, uz pripremu i pratnju voditeljica Ekološke sekcije Amele Ahmethodžić i Sabine Karović, dali poseban doprinos ovom događaju. Izveli su performans ABC for Peace, uz recitacije i nastupe koji su unijeli radost i vedrinu među prisutne.

Time su pokazali kako djeca svojim glasom i kreativnošću mogu promovisati vrijednosti mira, zajedništva i brige za prirodu. Prisutnim gostima obratila se i direktorica škole Amina Delić-Zimić naglasivši značaj ovakvih događaja za razvoj ekološke svijesti kod mladih i zahvalivši organizatorima što su našim učenicima omogućili da budu dio projekta koji promovise zajedništvo, inkluziju i održivost.



POSJETA MEDIA CENTRU ISLAMSKJE ZAJEDNICE U BIH

Učenici naše škole, članovi Novinarske i Bibliotekarske sekcije su u utorak, 30. 9. 2025. godine bili u posjeti Media centru Islamske zajednice u BiH u pratnji bibliotekarke Indire Hadžihasanović i nastavnice Amire Piknjač. Učenike su dočekali direktor Media centra Islamske zajednice u BiH dr. Muamer Tinjak i novinarka Alma Hadžić. Učenici su imali priliku upoznati se sa uposlenicima koji rade na različitim medijima, elektronskim i štampanim.

Vidjeli su kako nastaje televizijska i radioemisija. Učenici su na poklon dobili knjigu i dogovorena je buduća saradnja sa Media centrom.



POSJETE, PROJEKTI,
OBILJEŽAVANJA
DATUMA, PRIREDBE...

SVJETSKI DAN MENTALNOG ZDRAVLJA

U periodu od 7. do 13. 10. 2025. godine u našoj školi realizirane su aktivnosti usmjerene na prevenciju i zaštitu mentalnog zdravlja. Razrednici od IV do IX razreda na časovima odjeljenske zajednice realizovali su temu iz programa „Promocija i zaštita mentalnog zdravlja u školi“. Vijeće učenika je pripremalo simbol podrške mentalnom zdravlju i solidarnosti - zelenu vrpču za svoje vršnjake u odjeljenju i bili podrška u realizaciji svih aktivnosti. Učenici od I do III razreda su ovaj dan obilježili na redovnim časovima prigodnim sadržajima. Sa učenicima VII i IX razreda realizovan je literarni konkurs na istoimenu temu i izabrana su dva rada iz VII i IX razreda koji su pročitani na prvom času na dan obilježavanja u obje smjene. S ciljem promocije važnosti zaštite mentalnog zdravlja, na velikom odmoru je, puštanjem prigodnog muzičkog miksa pjesama, pokazano koliko su muzika i pokret važni u prevenciji i zaštiti mentalnog zdravlja. Poruka ovih aktivnosti su završne riječi naše učenice IX razreda iz njenog literarnog rada koja nam poručuje: *„Njegu svoj misli, svoje srce i svoje prijatelje jer život je najljepši kad ga dijelimo zajedno, kada hrabro priznamo da nam je ponekad potrebna pomoć, i damo i sebi i drugima prostora da budemo samo ljudi.“*



MEĐUNARODNI DAN UČITELJA

Povodom obilježavanja Međunarodnog dana učitelja članovi Filmske sekcije naše škole pripremili su prigodan film. Projekt je realizovan s mnogo truda, kreativnosti i posvećenosti, a namijenjen je kao znak zahvalnosti svim učiteljima. Na ovaj način željeli su naglasiti važnu ulogu učitelja u odgoju i obrazovanju te istaknuti njihovu predanost, znanje i strpljenje kojim usmjeravaju generacije učenika. Svim učiteljima upućujemo iskrene čestitke povodom Dana učitelja, uz zahvalnost za njihov doprinos obrazovanju i odgoju mladih.



GODIŠNJICA BITKE NA DUJMOVSKIM BRDIMA

Učenice VIII razreda naše škole u pratnji nastavnice učestvovala su 25. oktobra 2025. godine na obilježavanju godišnjice bitke na Dujmovskim brdima. Manifestaciju je organizovalo Udruženje „Druga viteška“ – Novi Grad Sarajevo. Tokom obilježavanja učenice su imale priliku propratiti cijeli program i upoznati se sa značajem ove bitke.

POSJETE, PROJEKTI,
OBILJEŽAVANJA
DATUMA, PRIREDBE...

OKTOBAR - MJESEC KNJIGE

POSJETA BIBLIOTECI SARAJEVA

Članovi Bibliotekarske i Novinarske sekcije u pratnji bibliotekarke Indire Hadžihasanović i nastavnice Amire Piknjač posjetili su pozajmno odjeljenje Biblioteke Sarajeva na Alipašinom Polju B-faza. Bibliotekar Samir Klinac je održao radionicu sa učenicima povodom obilježavanja Oktobra-mjeseca knjige.



OTKRIVANJE PRENESENIH ZNAČENJA

Učenici VI-6 odjeljenja su na času bosanskog jezika obilježili Oktobar-mjesec knjige uz podršku nastavnice Amire Piknjač i bibliotekarke Indire Hadžihasanović. Otkrivali su prenesena značenja riječi u pročitanoj romanu za djecu *Orlovi rano lete* i uspješno završili postavljene zadatke.



ZNAČAJ KNJIGE I ČITANJA

Povodom obilježavanja Oktobra – mjeseca knjige, članovi Filmske sekcije naše škole pripremili su kratak video posvećen važnosti čitanja i knjige. Cilj ovog projekta bio je podsjetiti učenike na značaj knjige kao izvora znanja, inspiracije i razvoja mašte. Kroz video su učenici prikazali poruke o ljepoti čitanja, vrijednosti pisane riječi i o tome kako knjige obogaćuju naš život i pomažu nam da bolje razumijemo svijet oko sebe. Na ovaj način, učenici su pokazali da knjiga i dalje ima posebno mjesto u njihovim životima, te da čitanje nije samo obaveza, nego i uživanje i put ka ličnom rastu.

POSJETE, PROJEKTI,
OBILJEŽAVANJA
DATUMA, PRIREDBE...

OBILJEŽAVANJE DJEČIJE NEDJELJE



Učenici VI-6 odjeljenja su sa razrednicom Amirom Piknjač obilježili Dječiju nedjelju na času odjeljenske zajednice. Razgovarali su o tome koliko su svi različiti i jedinstveni i da svi imaju pravo biti jednako tretirani i prihvaćeni. Učenici su imali zadatak da sebe predstavljaju kroz crtež i isticanje svoje posebnosti. Zaključili su da ih različitosti čine bogatijima i da su svi jednako važni.



PROJEKT PODRŠKE BIBLIOTEČKOM FONDU

JU OŠ „Aleksa Šantić“ uspješno je realizirala Projekat podrške bibliotečkom fondu u partnerstvu sa Službom za obrazovanje, kulturu i sport Općine Novi Grad Sarajevo. Projekt je proveden u okviru tekućeg transfera za podršku osnovnim i srednjim školama sa područja općine Novi Grad.



Tokom realizacije projekta nabavljeno je oko 186 bibliotečkih jedinica (18 naslova), lektirna izdanja za učenike od VI do IX razreda. Time je značajno obogaćen postojeći bibliotečki fond što doprinosi unapređenju čitalačke pismenosti i stvaranju boljih uvjeta za kvalitetniju realizaciju nastave jezika i književnosti i razvijanju ljubavi prema knjizi i čitanju.



DAN DRŽAVNOSTI BiH



Učenici Osnovne škole "Aleksa Šantić", zajedno sa nastavnicima, marljivo su pripremili priredbu povodom Dana državnosti Bosne i Hercegovine izražavajući duboko poštovanje prema našoj državi.

POSJETE, PROJEKTI,
OBILJEŽAVANJA
DATUMA, PRIREDBE...

POSJETA VAŽNIM INSTITUCIJAMA KULTURE I BAŠTINE U SARAJEVU

Učenici VII razreda su 14. 11. 2025. godine realizirali posjetu važnim institucijama kulture i baštine u Sarajevu. Cilj aktivnosti bio je upoznavanje s kulturno-historijskim naslijeđem Bosne i Hercegovine, razvijanje svijesti o značaju očuvanja kulturnih dobara te povezivanje školskog gradiva s konkretnim primjerima iz prakse. Tokom obilaska učenici su posjetili više institucija: Despića kuću, kao primjer očuvane gradske arhitekture i života sarajevske trgovačke porodice, Zemaljski muzej BiH gdje su učenici razgledali prirodnjačke, arheološke i etnološke postavke, Brusa bezistan, kao dio kulturno-historijske cjeline Baščaršije, gdje su se upoznali s tradicionalnim zanatima i trgovačkom prošlošću Sarajeva. U Gazi Husrev-begovoj biblioteci su se upoznali s najznačajnijim rukopisima i važnosti ove ustanove kao najstarije javne biblioteke u BiH. U Institutu „Adil Zulfikarpašić“ su vidjeli vrijedne eksponate i arhivsku građu koja svjedoči o političkoj i kulturnoj historiji Bosne i Hercegovine.



SNIMANJE REPORTAŽE ZA RADIO "BIR"

Članovi Novinarske i Bibliotekarske sekcije zajedno sa voditeljima sekcija Amirom Piknjač i Indirom Hadžihasanović bili su domaćini novinarki Radija "Bir" Almi Hadžić. Gošća je u inspirativnom ambijentu školske biblioteke razgovarala sa učenicima o značaju medija i medijske pismenosti, o zanimanju novinara, te o aktivnostima koje učenici imaju na časovima Novinarske i Bibliotekarske sekcije. Novinarka Alma Hadžić snimila je reportažu sa članovima i voditeljima sekcija, te učenicima pokazala montažu snimljenog materijala. Snimljena reportaža je emitovana na Radiju "Bir" u utorak, 25. 11. 2025. god. Ovaj susret bio je prilika da učenici predstave sebe, svoju školu te aktivnosti koje realizuju povodom obilježavanja Dana državnosti naše domovine te da svim državljanima Bosne i Hercegovine čestitaju ovaj značajni praznik.



POSJETE, PROJEKTI,
OBIJEŽAVANJA
DATUMA, PRIREDBE...

HUMANOST NA DJELU

Uposlenici JU OŠ "Aleksa Šantić" još jednom su pokazali svoju humanost i društvenu odgovornost učestvovanjem u akciji dobrovoljnog darivanja krvi. Ova akcija realizovana je 19. 1. 2026. godine u saradnji sa Zavodom za transfuzijsku medicinu FBiH, čiji su predstavnici uputili riječi zahvale našem kolektivu na doprinosu u obezbjeđivanju dostatnih zaliha krvi za sve pacijente kojima je ona neophodna.



POSJETA ZIMSKOM SALONU KNJIGE



Članovi Bibliotekarske i Novinarske sekcije u pratnji bibliotekarke Indire Hadžihasanović i nastavnice Amire Piknjač posjetili su Zimski sajam knjige "Knjige u nišama" u BKC-u. Posjeti su se pridružili i učenici III razreda koji su nagrađeni za veliki broj pročitanih knjiga. Cilj posjete je upoznavanje sa izdanjima različitih izdavača te obnova bibliotečkog fonda. "Najjednostavniji način da obrazujemo pismenu djecu je da ih naučimo da je čitanje aktivnost koja donosi zadovoljstvo." (Nil Gejmen)

DAN SJEĆANJA NA ALIJA BEČIĆA

U utorak, 9. 12. 2025. godine obilježavaju se četiri godine otkad nas je tragično napustio naš dragi plavooki dječak Ali Bečić. Povodom Dana sjećanja organizovan je Četvrti memorijalni turnir u odbojci "Ali Bečić" na kojem su učestvovali OŠ "Aleksa Šantić", OŠ "Osman Nuri Hadžić", OŠ "Meša Selimović" i OŠ "Fatima Gunić" te Turnir u šahu u organizaciji nastavnika Bege Muminovića. Polaganje cvijeca i čas sjećanja održan je u Alijevom kutku. Prisustvovali su roditelji Alija Bečića, uposlenici, učenici naše škole te bivši učenici, Alijevi drugovi i drugarice iz razreda te predstavnici JU Institut za razvoj preduniverzitetskog obrazovanja KS i predstavnici Općine Novi Grad. Prisutnima se obratila direktorica Amina Delić-Zimić, majka našeg Alija i razrednica Amira Piknjač. Dan sjećanja završen je uručenjem pehara pobjednicima te zahvalnica učesnicima.



LIKOVNI RADOVI NAŠIH UČENIKA

LIKOVNI IZLOG



Dejan Buljandrić, VIII-4



Adela Husejnović, VI-4



Minela Hajduk, VIII-6



Ena Ekinović, IX-2



Faris Atić, VII-2



Sajra Merajić, VIII-3



Uma Hasanić, IX-5



Fatma Goro, IX-1



Ada Vatreš, IX-5



Ilma Softić, VI-1



Adna Zukić, VI-6

POSJETE, PROJEKTI,
OBILJEŽAVANJA
DATUMA, PRIREDBE...

GALERIJA VOLONTERIZMA

Online Galerija volonterizma održana je 5. 12. 2025. godine u organizaciji Centra za razvoj omladinskog aktivizma CROA u partnerstvu sa Ministarstvom za odgoj i obrazovanje Kantona Sarajevo. Ovom manifestacijom je obilježen Međunarodni dan volontera. Učenici OŠ "Aleksa Šantić", aktivni članovi volonterske grupe Volontiranje je cool, prezentirali su svoj volonterski rad i angažman.



VOLONTIRANJE JE COOL! VIJEĆE UČENIKA UČI O DOBROBITI I REZILIJENTNOSTI

U okviru projekta „Volontiranje je cool!“, danas su pedagog-psiholog škole, socijalna radnica i bibliotekarka, u saradnji sa učenicima-volonterima, realizovali interaktivno predavanje za predstavnike u Vijeću učenika pod nazivom „Važnost volontiranja – dobrobit učenika i razvoj rezilijentnosti“. Tokom predavanja učenici su kroz razgovor i primjere dobre prakse imali priliku saznati šta znači biti volonter, zbog čega je volontiranje izuzetno važno, te na koje načine mogu doprinijeti pozitivnim promjenama u svojoj školskoj i lokalnoj zajednici. Poseban naglasak stavljen je na razvoj rezilijentnosti – sposobnosti nošenja sa izazovima, što je jedna od ključnih koristi volontiranja za mlade. Predstavnici Vijeća učenika od IV do IX razreda realizovali su u svojim odjeljenjima radionicu na istu temu kako bi i ostalim učenicima približili značaj volontiranja. Cilj radionice je da se potaknu vršnjaci na aktivno uključivanje u volonterske aktivnosti.



DAN SIGURNIJEG INTERNETA

Dan sigurnijeg interneta (Safer Internet Day) obilježava se 10. februara. Ovogodišnji slogan nas podsjeća da svi imamo ulogu u stvaranju sigurnijeg i ljubaznijeg online okruženja. Internet nam pruža nevjerovatne mogućnosti za učenje, zabavu i povezivanje, ali sa sobom nosi i određene rizike. Upravo zato ovaj dan koristimo kako bismo naučili kako prepoznati lažne vijesti, zaštititi svoje privatne podatke i spriječiti nasilje na mreži (cyberbullying). Dan sigurnijeg interneta 2026 (SID 2026) u Bosni i Hercegovini obilježen je putem online kviza.

USPJESI NAŠIH UČENIKA NA TAKMIČENJIMA

TAKMIČENJE DANUBE ART MASTER 2025

Učenici OŠ „Aleksa Šantić“ Sarajevo, članovi Ekološke sekcije, zajedno s nastavnicama Sabinom Karović i Amelom Ahmethodžić, učestvovali su na nacionalnom nivou takmičenja DAM 2025 sa više autorskih radova. Na ovom nivou takmičenja osvojena su dva prva mjesta – 1. mjesto u kategoriji umjetničkih radova i 1. mjesto u kategoriji video, čime su članovi Ekološke sekcije stekli pravo učešća na međunarodnom nivou takmičenja, na kojem učestvuje 14 zemalja dunavskog sliva. Takmičenje realizuje ICPDR u saradnji sa GWP CEE, dok je koordinator za BiH Ekotim Sarajevo.



MEĐUNARODNI USPJEH EKOLOŠKE SEKCIJE

U Beču je u decembru 2025. godine upriličena dodjela priznanja u okviru međunarodnog takmičenja Danube Art Master 2025, koje se realizira pod okriljem International Commission for the Protection of the Danube River (ICPDR). Takmičenje Danube Art Master na međunarodnom nivou okuplja brojne značajne evropske zemlje dunavskog sliva, čime predstavlja jedno od najvažnijih međunarodnih ekološko-obrazovnih takmičenja za djecu i mlade u Evropi. Ceremonija je održana u okviru 28. redovnog sastanka ICPDR-a (11–12. decembar 2025) u Vienna International Centre, pod motom „Our Danube, Our Future“. Ekološka sekcija Osnovne škole „Aleksa Šantić“ Sarajevo ostvarila je zapažen rezultat osvojivši 3. mjesto u kategoriji video s radom „Rijeka Una – biser Bosne i Hercegovine“ ističući ljepotu i važnost očuvanja naših rijeka. Na nacionalnom nivou u Bosni i Hercegovini ovaj video je osvojio 1. mjesto, čime je stekao pravo da predstavlja Bosnu i Hercegovinu na međunarodnom nivou. Priznanje je u ime Bosne i Hercegovine preuzeo Mirza Hujčić, šef delegacije BiH pri ICPDR-u i pomoćnik ministra u Ministarstvu vanjske trgovine i ekonomskih odnosa Bosne i Hercegovine. Nagradu je školi uručio Rijad Tikveša, predstavnik Ekotima, članovima Ekološke sekcije, Asiji i Emini Dumanjić. Nagrada uključuje štap/stativ za kameru i Magic Artpad tablu, koji će članovima sekcije pomoći u budućem kreiranju videosadržaja i predstavljanju Bosne i Hercegovine na međunarodnim takmičenjima. Voditelji Ekološke sekcije su Sabina Karović i Amela Ahmethodžić, čiji je stručni i mentorski angažman bio ključan u osmišljavanju i izradi nagrađenog rada te u uspješnoj prijavi i predstavljanju škole na ovom međunarodnom takmičenju.



POSJETE, PROJEKTI,
OBIWEŽAVANJA
DATUMA, PRIREDBE...

STRUČNO USAVRŠAVANJE NASTAVNIKA BIOLOGIJE

U Osnovnoj školi „Aleksa Šantić“ 12. i 13. januara održano je stručno usavršavanje nastavnika biologije „Aktiviraj nauku – Od priručnika do prakse“, u organizaciji JU Instituta za razvoj preduniverzitetskog obrazovanja KS. Usavršavanje je organizovano nakon izdavanja Priručnika za školske eksperimente iz biologije, a učestvovalo je oko 80 nastavnika iz osnovnih škola Kantona Sarajevo. Usavršavanje su vodile profesorice biologije Sabina Karović i Maida Čerimagić, a cilj je unapređenje praktične nastave i primjena priručnika, s posebnim fokusom na aktivno i iskustveno učenje učenika.



VOLONTIRATI JE LAHKO, TO MOŽE I TREBA SVAKO!

Zejneb Dizdar, predstavnica u Vijeću učenika, prezentirala je na času odjeljene zajednice u svom odjeljenju (VI-6) volonterske aktivnosti koje se realizuju u našoj školi u okviru sekcije Volontiranje je cool! Da pokažu da svi mogu biti volonteri i dati doprinos u različitim aktivnostima, učenici VI-6 su sa razrednicom Amirom Pknjač i bibliotekarkom Indinom Hadžihasanović čistili i uređivali školsko dvorište i Alijev kutak- omiljeno mjesto za odmor i razgovor. Čas je završen uz poruku: "Svaki put kad učiniš dobro djelo, ostavljaš trag koji se pamti."



ŠKOLA SKIJANJA



U skladu s planiranim aktivnostima Ministarstva za odgoj i obrazovanje Kantona Sarajevo realizovana je Škola skijanja za učenike VI razreda. Program Škole skijanja provodi se uz stručno vodenu obuku, s ciljem sticanja i unapređenja skijaških vještina učenika, te razvoja motoričkih sposobnosti, sportskih navika i razvoja svijesti o značaju zdravih stilova života. Škola je, kao partner u projektu, obezbijedila potpunu organizacionu podršku i stručnu pratnju kako bi boravak na planini bio siguran, edukativan i zabavan.

POSJETE, PROJEKTI,
OBILJEŽAVANJA
DATUMA, PRIREDBE...

PAMETNA ŠKOLA – DIGITALNI KORACI KA ZELENOJ BUDUĆNOSTI



U našoj školi započela je realizacija projekta Pametna škola – digitalni koraci ka zelenoj budućnosti, koji ima za cilj razvijanje ekološke svijesti učenika kroz povezivanje digitalnih vještina i brige o okolišu. Kroz niz planiranih aktivnosti učenici će istraživati savremene načine očuvanja prirode, ali i aktivno doprinositi unapređenju kvaliteta života u školskom okruženju. Članovi Ekološke sekcije započeli su izradu edukativnih plakata na temu „Čist zrak“ te na kreativan način promišljaju o važnosti očuvanja zraka i smanjenju zagađenja. Istovremeno, članovi Informatičke sekcije bavili su se istraživačkim radom koristeći digitalne alate, prikupljajući podatke o zaštiti okoliša, vrstama otpada koji zagađuje prirodu, značaju reciklaže, količini pitke vode

na planeti Zemlji te mogućnostima unapređenja i zaštite vode, zraka i tla, s posebnim akcentom na kvalitet zraka u našem okruženju. Kroz ovaj projekat učenici razvijaju kritičko razmišljanje, timski rad i odgovornost prema prirodi, ali i usvajaju nova digitalna znanja koja će im pomoći da postanu aktivni učesnici pozitivnih promjena u društvu.

U okviru projekta „Pametna škola – digitalni koraci ka zelenoj budućnosti“, u našoj školi je izvršena podjela promotivnih materijala kompanije BH Telecom, koja kao strateški partner i pokrovitelj direktno podržava ovu inicijativu. Kroz brendirane materijale koji promovišu BH Telecom kao društveno odgovornog partnera, dodatno se ističe važnost saradnje privrednog sektora i obrazovanja s ciljem unapređenja digitalnih kompetencija učenika. Ovakva podrška BH Telecoma omogućava nam da pratimo savremene obrazovne trendove i gradimo školu koja njeguje odgovornost prema prirodi, pružajući učenicima kvalitetnije uslove za učenje i zajedničke korake ka održivoj zelenoj budućnosti.



DIGITALNA SIGURNOST U NAŠOJ ŠKOLI

Sigurnost učenika u digitalnom svijetu je tema čiji se značaj naglašava kroz različite aktivnosti prilagođene svim uzrastima učenika. Učenici od 1. do 4. razreda učestvovali su u radionici Semafor, a zatim su kroz praktičan zadatak prepoznavali različite online situacije. Aktivnosti su obuhvatile i učenike od 5. do 9. razreda koji su nakon projekcije edukativnog filma kroz otvoren razgovor analizirali svakodnevne izazove modernih tehnologija. Fokus diskusije bio je na zaštiti privatnosti, digitalnom otisku i načinima na koje se može prepoznati i spriječiti nasilje u virtualnom prostoru. Ovim pristupom, koji spaja interaktivnu igru za mlade i kritički dijalog za starije učenike, uspješno je zaokružena tematska sedmica posvećena izgradnji sigurnijeg digitalnog okruženja za sve naše učenike.



LITERARNI IZLOG

Moja Bosna

Zemlja duga, lijepo svijeta,
a tvoj zagrljaj radost svijeta.
Breda se diže, rijeke snije,
eve tvoje ljepote sreću mamu.

Polja cvjetaju, sunce sjaj,
majka prema djetetu ljubav jati.

Sarajevo tje, Mostar blaga,
Ljudi se osmjeh, krajci se lada.
Djeca se smiju, pjesma odjekuje,
Ljepota tvoja srca osvjetljuje.

Domovino, pomisli i snaga,
U srcu te nosim, kao pravo blago.
Zauvijek te volim, pjesmom svom,
ti moj si mir, ti moj si dom!
Zaimo Puršić, VII-6

Zemlje čudnije

Litke luti po putu stariju,
zlati se pod naševim žarom
Vjeta tihom krajnje spije
i piče lapče sve tije i tije.

Na grani jabuka cvjeta sja,
mirisa, slatka kao radost sva
Pa polja magla tihom se kuje,
a nosa blista po travi kao cvjetaj.

Jesen stije, vesela, trula,
eve je zemlja bogata skida,
žuta, zamiljavata, crvena je cvila.

Kosteni padaja sva stara tih,
djeca ih skapljaju iz starih i igru.
Ema Redžić, V-2

VOLIMO TE, DOMOVINO

Domovino, mila i draga,
tvoja ime u srcu mi sja.
Gdje god padom, znam tu si i ti,
I ja sam tvoja i uvijek i tobom.

Na tvojim poljima cvjetaj rano,
rijeke tihom teku kao najljepši san.
Kao piče što lje naš Dnson,
tako naša srca pjevaju za tebe.

Tvoja krila smo mi, domovino,
Djeca tvoja, tvoj ponos i let.
Kad se sanjčavamo, sunce zasja
Kad zapjevamo, svijet je lijep.

Volim tvoje planine i rijeke,
volim tvoja polja i gradove.
Čuvat ću te, domovino mila,
jer si dom i ponos naš!

Šejla Šadić, VI-2

Moj materinj jezik

Moj materinj jezik, šikinja pona sjaja,
u rječju su riječi moga rodnog kraja.
Svaka riječ je dakot zlatni,
u srcu moj ostaje tragni.

Srva stara i lijepa lica,
gaje kruc svjetle - bosančica.
Njome se proci pišu slova,
da sačuvaju ime i opjijite slova.

Ipsialo poci mada strano,
kruc njih spoznavamo mladice.
Sihom blagin, tihom, jakim,
naš Mak prode stočkom svakim.

Moj materinj jezik je moć da svijeta
i putokaz kruc sva moja ljeta.
Kad pokažem njome, ponosno koracim
jer znam da svoje korijene čuvam.

Adna Zukić, VI-6

Bosanski jezik

Hej, stranče, znaš li ti
za naš jezik bosanski?
To je jezik svima znam,
danas me je rođenim.

Prva riječi, prva slova,
natačila sam ja, sljedbenica tvoja.
Ti si glas što me oslanom zove,
zato tebi šikom pjesme sve.

Uvijek će ponosna na tebe biti
i svaki srca naša kril.
Slobodimo si pokosio dahnatima
i dokazao koliko ponosna u tebe ima.

Nosim te u srcu kao skrivenu blago,
svako tvoje slovo meni je draga.
Materinj jezik za mene nije samo glas,
to je dio mene, dio svih nas.

Amira Hadžić, VI-2

TVOJA KRILA SMO MI, DOMOVINO, UZMI IH I POLETI.

Domovino moja, lijepa kao svijet,
Ponosna i mila,
Ti si dala,
A mi tvoja krila.

Domovino moja,
Uzmi ih i poletni,
Kao dalać svjetlino,
Trskom ljetne vrućine.

Domovino moja, lijepa kao svijet,
Volimo te više nego cijeli svijet.
Mi smo ti krila,
Uzmi ih i poletni.

Kao dalać svjetlino,
Digni se u visine.
Kada se digni vjetrovi, vjetrovi,
Da te vidi samo jastrijež i drugi nebo.

Vrati se, molimo te,
Da ti krilo jedno dam,
Da ga zadržim za upornost,
Pa kad se vratiš,
Da mi prva cvatiti.

Da ga podijelimo ponosom,
Da ga nekome i poklonimo.
Bice ti pravo upornost i sjecanje,
Zato, mi smo ti krila, a ti ih uzmi i
opet poletni.

Uroš Omerhodžić, VI-1

Moja domovina zove se Bosna

Moja domovina zove se Bosna,
skobudna, hrabra i ponosna.
Uvijek jaka i pikoana,
u srcima našim čuvana.

Stizak svaki svoja piče kraj,
uz himnu svako ponosno stoji.
Sunce svake najljepše grije,
a plavo nebo najljepše s tvojim se smije.

Lijepo je u nezavisnoj domovini
žrvjeti, ubiti i rasti.
Svi dajmo rugu
da svaki se gradi na štiti.

Lamija Čeremović, VII-4

Zamke čudnije

Prva svjetlino paha lja pada,
miru zimu vladu suda.
Bijeli pokrivač ogrijava je grad,
u trsim vladu taj zarobni sklad.

Stigla je studen, pjesma se brak,
povreda je bijelo, krajolik se čudi.
Dok paha lja piče i kriva trag,
zima doslov mi drugocija i blag.

Uroš Nekić, VII-1

SNJEŠKO

Milku umjereno nosa ima.
Lomac na glavi se dopada svima.
Rakavice na rukama smo
Osmijeh na licu iznove svima.

Kaput serna
ali hladno mu nije,
da snijeg grije
na njega dobro nije.

Zima mi je najdraže godinje doba
mnogo paha lja bijelih njegov je mi,
da će ostati duže na dnson njegov je san
Lamija Čeremović, VII-6

LJEPLO JE RASTI U NEZAVISNOJ DOMOVINI

Lijepo je rasti pod našom sloboda,
U tihom rijeka i zelene vode.
Gdje snijeg grije svaki novi dan,
A domovina čuva moj san.

Lijepo je rasti u svom kraju,
Igrati se slobodno na livadi, u zvezdaj.
Školat piče kako pjesma plava,
I smijati se kao dječak leta.

Moja zemlja topla kao majka,
U tvojim mi i sigurnost ne manjka.
Svaki put mi je poznat i mir,
jer tu sam rođena i nije sam do.

U mojoj Bosni cvjeta moja dala mlada,
Ona je svjetlost i nada,
Budi ponosna, bud' jaka,
Nezavisna domovino, jer ti si svima majka.
Ema Redžić, V-2

Moj materinj jezik

Moj materinj jezik je šikinja stara,
puno riječi, snova i dala.
U njemu se piče što srca grije,
i pjesma što tihom u dala snja.

U svakoj riječi blago se krije,
u svakoj misli toplino vije.
On čuva prošlost, budućnost stvara,
kao svjetiljka kad znamo stvara.

Zato ga volim, čuvam i branim,
opisuje se osmjehom, njime se branim.
Moj materinj jezik, moje bogatstvo,
moje naslijeđe, ponos i junaštvo.
Ema Tutuš, VI-1

Das nezavisnosti

Kad materinsko sunce tihom znaja,
a zora ponosno svane,
u srcu svakog Bosanca
ljubav prema domovini plane.

Das nezavisnosti danas skrivamo,
uz zastavu što ponosno vije,
za sloboda koju čuvamo
i za ratna koje se smije.

Njizamo se hrabrih ljudi
što su vjersovali u srce,
u zemlju miru i dostojnosti,
u putave svijeta i nove.

Neka se pjesma radosno čuje,
nek jedinstvo srca spoji,
nek zastava svjetlo svijeta.
Eman Puršić, VII-6

Dan škole

U maju kad sve svijeta i miris ljeta se širi,
kao školke prunare radost viti,
hrabrih braće, pjesma se čuje
škola se za svoj rođenim praznike.

Nastavnici naši poput tihom leku
znanje nam daju i pružaju ruke,
tako mi kako se hrabro koraca
uz njih je naša mladost jaha.

Zajedno nastavimo, znanje nam spoji
to je prijateljstvo kojim nam kraja
Svaka lekcija i svaki novi stih,
ostaje u srcu dala sviki.

Sretan ti škola, tvoj Dan
u si sam izvor znanja i najljepši san.
U tvojim zagrljaju miru nije sam,
najljepšu pjesmu tebi na poklon tu da dam.

Vladar Šabić, VII-6

POSJETE, PROJEKTI,
OBIJEŽAVANJA
DATUMA, PRIREDBE...

USPJEH DALIJE AJANOVIĆ NA KONKURSU POVODOM DANA NEZAVISNOSTI

Na javnom pozivu „Lijepo je rasti u nezavisnoj domovini“, koji su povodom 1. marta – Dana nezavisnosti Bosne i Hercegovine uputili Ministarstvo za odgoj i obrazovanje i Institut za razvoj preduniverzitetskog obrazovanja Kantona Sarajevo, učenica Dalija Ajanović osvojila je 2. mjesto u kategoriji videoklipa. U konkurenciji brojnih radova osnovnih i srednjih škola, stručna komisija prepoznala je kvalitet i kreativnost njenog rada, čime je ostvaren značajan rezultat na kantonalnom nivou. Ovaj uspjeh predstavlja zvanično priznanje za njen trud i talenat, te direktan doprinos dostojanstvenom obilježavanju državnog praznika u okviru obrazovnog sistema Kantona Sarajevo.



DAN RUŽIČASTIH MAJICA

Dan ružičastih majica obilježava se širom svijeta posljednje srijede u februaru, kao simbol borbe protiv vršnjačkog nasilja. Ove godine Dan ružičastih majica u našoj školi nosio je moto "Bojama i muzikom protiv nasilja". Danas smo poslali jasnu poruku - nasilju nema mjesta u našoj školi. Mi biramo podršku umjesto ismijavanja, razgovor umjesto sukoba i razumijevanje umjesto osude.



DRUŠTVENO-KORISNA AKCIJA

Učenici IV-1 odjeljenja sa učiteljicom Feridom Brezac su sadnjom cvijeća i čišćenjem školskog dvorišta realizovali društveno-korisnu akciju s ciljem isticanja značaja higijene prostora za održivi razvoj.



POSJETE, PROJEKTI,
OBILJEŽAVANJA
DATUMA, PRIREDBE..

NAŠA ŠKOLA MOŽE BOLJE

Tokom mjeseca februara članice Ekološke sekcije detaljnije su upoznale sa ciljevima i planiranim aktivnostima projekta koji naša škola realizuje pod pokroviteljstvom BH Telecom. Kroz razgovor i prezentaciju naglašena je važnost odgovornog odnosa prema životnoj sredini, unapređenja kvaliteta boravka u školskom prostoru te aktivnog učešća učenika u prepoznavanju i rješavanju ekoloških izazova. Nakon uvodnog dijela, učenice su pristupile izradi plakata na temu „Naša škola može bolje“, kroz koje su na kreativan i angažovan način predstavile svoje ideje, prijedloge i viziju zdravijeg i ugodnijeg školskog okruženja. Istovremeno, ostali članovi sekcije su obilazili školske prostorije i razgovarali sa svojim drugarima, bilježeći eventualne poteškoće vezane za kvalitet zraka u učionicama. Na osnovu prikupljenih izjava i zapažanja, formirana je početna analiza stanja koja će poslužiti kao osnova za daljnje projektne aktivnosti i konkretne prijedloge unapređenja.



DAN NEZAVISNOSTI BIH I DAN MZ „SARAJ-POLJE“

Svečanim programom u Osnovnoj školi „Aleksa Šantić“ obilježeni su Dan nezavisnosti Bosne i Hercegovine i Dan Mjesne zajednice „Saraj-Polje“, a manifestacija je započela historijskim časom i polaganjem cvijeća na spomen-obilježju šehidima i poginulim braniteljima u dvorištu škole, čime je odata počast onima koji su dali svoje živote za slobodu domovine. Centralni dio proslave nastavljen je u multimedijalnoj sali gdje su učenici kroz pjesmu, recitacije i dramske izvedbe prikazali ljepotu i prkos Bosne i Hercegovine, dok se prisutnima obratila direktorica škole Amina Delić-Zimić naglasivši da je edukacija mladih generacija o važnosti Prvog marta ključna za očuvanje državnog identiteta i sjećanja na historijski put ka nezavisnosti. Uz snažne poruke o zajedništvu i patriotizmu, direktorica je podcrtala da škola kao stub lokalne zajednice nastavlja njegovati vrijednosti mira i slobode, dok su učenici svojim angažmanom poslali jasnu poruku da budućnost zemlje počiva na znanju i poštovanju prošlosti, čime je ovaj dvostruki praznik u Saraj-Polju zaokružen kao emotivan i edukativan događaj koji povezuje sve generacije stanovnika ovog naselja.



POSJETE, PROJEKTI,
OBIJEŽAVANJA
DATUMA, PRIREDBE...

MEĐUNARODNI DAN ŠUMA

Tokom mjeseca marta, u okviru projektnih aktivnosti koje se realizuju pod pokroviteljstvom BH Telecoma, članovi Ekološke sekcije radili su na pripremi i realizaciji edukativne prezentacije povodom obilježavanja Međunarodnog dana šuma, sa posebnim akcentom na značaj šuma za očuvanje čistog zraka. Učenici su kroz timski rad pripremili sadržaj prezentacije, a zatim su istu uspješno prezentirali učenicima II i III razreda. Cilj aktivnosti bio je razvijanje ekološke svijesti kod mladih učenika te razumijevanje uloge šuma u očuvanju zdravog životnog okruženja. Nakon edukativnog dijela, učenici su za mlađe drugare organizovali i zanimljivu i interaktivnu igru, kroz koju su dodatno utvrdili naučena znanja i podstakli aktivno učešće svih učenika. Ova aktivnost predstavlja značajan doprinos realizaciji ciljeva projekta jer se kroz povezivanje digitalnih vještina, prezentacijskih aktivnosti i ekoloških tema razvija svijest učenika o važnosti očuvanja prirode, posebno u kontekstu kvaliteta zraka i zdravog okruženja.



UČENIČKA APLIKACIJA "ZRAK SARAJEVA"

U okviru projekta Pametna škola – digitalni koraci ka zelenoj budućnosti, koji naša škola realizuje u saradnji s BH Telecomom, članovi Informatičke i Ekološke sekcije napravili su korak koji zaslužuje posebnu pažnju – razvili su web aplikaciju pod nazivom „Zrak Sarajeva“. Aplikacija u realnom vremenu prikazuje indeks kvalitete zraka (AQI) za područje Sarajeva, s podacima o koncentraciji štetnih čestica poput PM2.5, PM10, NO₂ i ozona. Uz to, korisnicima nudi konkretne zdravstvene savjete ovisno o trenutnom stanju zagađenja – od preporuke da provedu što više vremena vani pa sve do upozorenja kada je boravak na otvorenom nepoželjan. Poseban dio aplikacije je interaktivni kviz kroz koji učenici i posjetioci mogu provjeriti svoje znanje o zagađenju zraka, uzrocima i načinima zaštite. Aplikacija je prilagođena mobilnim uređajima i dizajnirana je u potpunosti od strane učenika – od vizuelnog izgleda do programskog koda. Ovaj projekt pokazuje da su naši učenici sposobni digitalne alate staviti u službu zaštite okoliša i da ekološka odgovornost ne mora biti samo teorija u udžbeniku.



POSJETA EDUKATIVNOM CENTRU „KUĆA SLOBODE“ I TUNELU SPASA

Učenici IX razreda posjetili su Edukativni centar „Kuća slobode“, koji se nalazi na dobrinjskoj strani Spomeničkog kompleksa Tunel D-B, u sklopu realizacije aktivnosti unutar posebnog programa „Kultura sjećanja“. Ova posjeta, koju organizuje Ministarstvo za odgoj i obrazovanje Kantona Sarajevo u saradnji sa Institutom za razvoj preduniverzitetskog obrazovanja, ima za cilj da učenicima na autentičnoj lokaciji približi važan dio moderne historije naše zemlje. Tokom boravka u kompleksu učenici su pratili stručno predavanje o opsadi Sarajeva i strateškom značaju Tuncla spasa, koji je bio jedina veza grada sa slobodnim teritorijama i svijetom te pažljivo pregledati muzejsku postavku i autentične eksponate iz proteklog rata.



USPJESI NAŠIH UČENIKA NA TAKMIČENJIMA

SPORTSKE IGRE MLADIH "PLAZMA" SARAJEVO



U nedjelju, 5. 4. 2026. godine održano je takmičenje u šahu na kojem su učestvovali i učenici Šahovske sekcije naše škole. Najbolji rezultat ostvarila je Amra Softić i plasirala se na regionalno takmičenje u kategoriji 2011. godišta. Čestitamo Amri Softić i ostalim učenicima na odličnim rezultatima: Afan Fejzić 8. mjesto, Orhan Hurko 9. mjesto, Alina Hodžić 6. mjesto i Kerim Hadžić 6. mjesto.

KANTONALNO TAKMIČENJE U ŠAHU



Na Kantonalnom takmičenju u šahu održanom 20. i 21. 4. 2026. godine učestvovali su naši učenici u pratnji nastavnika Bege Muminovića koji ih je pripremao za takmičenje. Ostvareni su izuzetni rezultati u svim takmičarskim kategorijama. U kategoriji I-III razreda, Lamija Mudželet, učenica III-2 razreda, osvojila je 2. mjesto, a Alina Hodžić, učenica VI-4 razreda, u kategoriji IV-VI razreda zauzela je 3. mjesto. U kategoriji VII-IX razreda, Amila Mušija, učenica IX-2 razreda, izborila je 2. mjesto, dok je Amra Softić, učenica VIII-5 razreda, zauzela 4. mjesto.



PLASMAN NA FEDERALNO TAKMIČENJE IZ MATEMATIKE



Na Kvalifikacionom takmičenju iz matematike koje je održano 26. 4. 2026. godine na više lokacija (Bihać, Sarajevo, Tuzla, Mostar i Zenica), naš učenik Arman Čolpa (VI-2) ostvario je izuzetan uspjeh i plasman na Federalno takmičenje. Učenika je pripremila nastavnica Amra Kalender.

POSJETE, PROJEKTI, OBILJEŽAVANJA DATUMA, PRIREDBE...

POSJETA MEMORIJALNOM CENTRU SREBRENICA-POTOČARI

U organizaciji Općine Novi Grad Sarajevo, a u skladu s Programom rada Službe za obrazovanje, kulturu i sport, 115 učenika devetih razreda i 7 nastavnika Osnovne škole "Aleksa Šantić" posjetilo je Memorijalni centar Srebrenica-Potočari, spomen-obilježje i mezarje za žrtve genocida iz 1995. godine. Učenici su obišli mezarje, a zatim u prostoru musale prisustvovali historijskom času posvećenom genocidu u Srebrenici iz jula 1995. godine, u kojem je život izgubilo više od osam hiljada Bošnjaka. Nakon historijskog časa, učenici su pogledali dokumentarni film o genocidu. U prostoru nekadašnje Fabrike akumulatora, gdje se danas nalazi Muzej sjećanja na žrtve genocida, učenici su pogledali stalnu izložbenu postavku.



MEĐUNARODNI DAN MATERNJEG JEZIKA



Međunarodni dan maternjeg jezika obilježili su učenici VI razreda i članovi Bibliotekarske i Novinarske sekcije naše škole. Razgovor sa učenicima o značaju ovog datuma, načinima čuvanja maternjeg jezika, te učenički likovni i literarni radovi samo su jedan od načina njegovanja ljubavi prema bosanskom jeziku. Izložba literarnih radova postavljena je ispred školske biblioteke.



OKTOBAR - MJESEC KNJIGE

Članovi Bibliotekarske i Novinarske sekcije uz podršku bibliotekarke Indire Hadžihasanović i nastavnice Amire Piknjač posjetili su područnu školu na Mojmilu. Učenici su odigrali predstavu koja spaja likove iz dječijih pjesama i bajki kroz dijalog, humor i recitaciju. Stručnu podršku u odabiru likova i načina predstavljanja pružile su im bibliotekarka Indira Hadžihasanović, nastavnica Amira Piknjač te učiteljice II razreda Lejla Karajić, Sanela Džuho i Amna Šečić. Poruka u školi kao i u bajci: Dobrota, znanje i osmijeh čine čuda.



POSJETE, PROJEKTI,
OBIJEŽAVANJA
DATUMA, PRIREDBE...

DRŽAVNO TAKMIČENJE IZ BIOSIGURNOSTI I BIOZAŠTITE

Na ovogodišnjem, trećem po redu Državnom takmičenju iz oblasti biosigurnosti i biozaštite, u organizaciji Akademija nauka i umjetnosti Bosne i Hercegovine, a uz podršku Ministarstva za odgoj i obrazovanje Kantona Sarajevo, Ekološka sekcija naše škole ostvarila je izvanredan uspjeh osvojivši 2. mjesto u kategoriji videa za učenike od V do VII razreda. Nagradeni rad pod nazivom „Nevidljivi, ali važni“ rezultat je predanog rada učenika i njihovih nastavnika, koji su kroz kreativan i edukativan video predstavili značaj mikroorganizama i važnost primjene biosigurnosnih principa u svakodnevnom životu. Na takmičenju su učestvovale osnovne i srednje škole iz cijele Bosne i Hercegovine, sa ukupno 180 prijavljenih radova, koje je predstavilo više od 350 učenika i 150 mentora kroz različite nivoe i kategorije takmičenja. Ovaj značajan rezultat potvrđuje kontinuiran kvalitet rada Ekološke sekcije te opredijeljenost škole ka razvoju naučne pismenosti, istraživačkog duha i ekološke svijesti kod učenika. Uspjeh naših učenika još jednom pokazuje da znanje, timski rad i kreativnost donose vrijedne rezultate i na državnom nivou.



Svjetski dan poezije i Svjetski dan pripovijedanja

Učenice VI razreda, članice Novinarske i Bibliotekarske sekcije realizovale su radionicu na časovima bosanskog jezika i književnosti u II-1 i II-2 odjeljenju. Cilj posjete i druženja bilo je obilježavanje Svjetskog dana poezije i Svjetskog dana pripovijedanja. Sa učenicima drugog razreda podijelili su svoje znanje o poeziji i pripovijedanju. Nakon čitanja priča i pjesama uslijedio je razgovor o pročitanim djelima. Podršku prilikom realizacije radionica učenicama su pružile bibliotekarka Indira Hadžihasanović, nastavnica Amira Piknjač i učiteljice Indira Bašić i Selma Altumbabić.



POSJETE, PROJEKTI,
OBILJEŽAVANJA
DATUMA, PRIREDBE...

SVJETSKI DAN POZORIŠTA

U našoj školi obilježen je Svjetski dan pozorišta. Učenici VI razreda su, uz podršku nastavnice Amire Piknjač, kroz zanimljiv igrokaz oživjeli padeže i pokazali kako se učenje može pretvoriti u pravu scensku čaroliju. Svih sedam padeža je kroz glumu, kostime i duhovite replike predstavilo svoju ulogu u jeziku, čime su učenici na zabavan način utvrdili gradivo iz gramatike i pokazali da učenje može biti i zabavno i inspirativno.



Historijski čas u spomen-sobi povodom Dana Armije RBiH

Povodom obilježavanja Dana Armije Republike Bosne i Hercegovine, u spomen-sobi škole održan je historijski čas za učenike VI razreda. Aktivnost su realizovale bibliotekarka Indira Hadžihasanović i nastavnica Amira Piknjač, uz podršku šest učenica – članica Novinarske i Bibliotekarske sekcije. Kroz



prigodan program učenici su imali priliku upoznati se sa značajem Armije Republike Bosne i Hercegovine, njenom ulogom u odbrani domovine, kao i važnosti očuvanja kulture sjećanja. Poseban doprinos dale su učenice koje su kroz čitanje, prezentacije i razgovor aktivno uključile svoje vršnjake. Učenici su, također, imali priliku pogledati dva kratka videozapisa prilagođena obilježavanju ovog značajnog datuma, što je dodatno obogatilo njihovo razumijevanje historijskih događaja. Ovaj čas bio je prilika za razvijanje svijesti o historijskim vrijednostima, njegovanje poštovanja prema prošlosti i jačanje osjećaja odgovornosti.

POSJETA SRC "AJDINOVIĆI"



Učenici III razreda posjetili su Sportsko-rekreativni centar „Ajdinovići“ gdje su kroz pažljivo osmišljene aktivnosti praktično realizirali nastavne sadržaje o orijentaciji u prirodi te biljnom i životinjskom svijetu. Boravak u prirodnom okruženju omogućio je učenicima da na zanimljiv i edukativan način prošire svoja znanja, razvijaju timski duh i uče kroz iskustvo i igru.

POSJETE, PROJEKTI,
OBILJEŽAVANJA
DATUMA, PRIREDBE...

POSJETA KINU NOVI GRAD



Učenici VI razreda su u četvrtak, 13. 10. 2025. godine posjetili Kino Novi Grad u pratnji razrednika i nastavnika. Gledali su film Testament, a besplatnu projekciju učenicima novogradskih škola omogućila je Općina Novi Grad.

SVJETSKI DAN DJEČIJE KNJIŽEVNOSTI

U okviru obilježavanja Svjetskog dana dječije književnosti učenici VI razreda učestvovali su u kreativnoj radionici *Tragovima književnih junaka*. Cilj aktivnosti bio je razvijanje ljubavi prema čitanju, bolje razumijevanje književnih likova i podsticanje timskog rada. Na taj način učenici su učili da pažljivije čitaju i razmišljaju o porukama koje književnost nosi. Članovi Novinarske i Bibliotekarske sekcije, uz podršku bibliotekarke Indire Hadžihasanović, nastavnice Amire Piknjač i učiteljice Amele Ibrahimagić, realizovali su radionicu *Kad bajke ožive* u odjeljenju II-5. Ove aktivnosti učenika pokazale su da knjige nisu samo obavezna lektira, već i izvor mašte, igre i učenja.



TAKMIČENJE IZ ENGLESKOG JEZIKA

Takmičenje iz engleskog jezika „Stars of English 26“ održano je 11. 4. 2026. godine u školi Richmond Park. Učenici naše škole koji su učestvovali na ovom takmičenju su Lejla Selimović, Amila Hamidović, Selma Mona Rožajac, Ahmed Selimović. U kategoriji Spelling Bee učenik Ahmed Selimović osvojio je 3. mjesto, a u kategoriji English World Cup Lejla Selimović osvojila je 3. mjesto. Učenike je za takmičenje pripremala nastavnica Igda Frko.



LIKOVNI RADOVI
NAŠIH UČENIKA

L
I
K
O
V
N
I
R
A
D
O
V
I



Aja Šeta, VIII-2



Esmina Varaga, IX-3



Zejneb Emiri, VIII-2



Ismail Shuaab, IX-4



Lamija Bijelić, VIII-1



Amna Durak, IX-1



Alejna Zelihić, VI-6



Amila Kadrić, VIII-6



Lamija Čerimović, VIII-6



Sajra Fočo, VIII-7

LIKOVNI RADOVI NAŠIH UČENIKA

L
I
K
O
V
N
I
R
A
D
O
V
I
Z
L
O
G



Inaya Džizić, VIII-2



Mak Hatibović, VII-2



Selma Mona Rožajac, VIII-2



Una Omerhodžić, VI-1



Amar Isanović, IX-1



Sara Duraković, IX-1



Fatma Goro, IX-1



Minela Hajduk, VIII-6



Amila Mešković, VIII-4



Amar Isanović, IX-1

POSJETE, PROJEKTI,
OBILJEŽAVANJA
DATUMA, PRIREDBE...

PROJEKT ERASMUS+

Wonder Learning Project for Digital Natives



Mobilnost učenika u okviru Erasmus+ projekta Wonder Learning Project for Digital Natives uspješno je završena u turskom gradu Aydın svečanom dodjelom certifikata održanom u Dr. Fevzi Mürüvvet Uğuroğlu Secondary School. U periodu od 4. do 9. 5. 2026. godine učenice naše škole, u pratnji bibliotekarke i socijalne

radnice, učestvovala su u aktivnostima projekta u saradnji sa Edukopro - Development Center i partnerima iz sedam evropskih zemalja. Tokom mobilnosti realizirane su brojne edukativne i kreativne aktivnosti, a učenice su imale priliku razmjenjivati iskustva i upoznati inovativne metode učenja namijenjene digitalnim generacijama. Program mobilnosti protekao je u duhu međunarodne saradnje, timskog rada i međusobnog povezivanja mladih iz različitih kultura. Po povratku u školu, direktorica škole svečano je uručila certifikate učenicama i mentoricama kao priznanje za njihov trud, angažman i uspješno predstavljanje škole i države u međunarodnom okruženju.



NAGRADA „GIANFRANCO PAGNONI DI DARIO“



U prostorijama naše škole održana je 13. 5. 2026. godine svečana ceremonija u okviru 4. izdanja nagrade „Gianfranco Pagnoni Di Dario“, posvećene cilju broj 10 Agende UN 2030 – smanjenju nejednakosti. Poseban dio programa bio je posvećen učenicima OŠ „Aleksa Šantić“ i

„Anne Frank“ koji su kroz videoprezentacije, čitanje dijaloga i zajedničke aktivnosti predstavili rezultate svog rada na temu smanjenja nejednakosti i promocije mira, tolerancije i saradnje među mladima. Na kraju ceremonije uručeni su certifikati o učešću svim učesnicima. Događaj je protekao u prijateljskoj i svečanoj atmosferi, uz poruke zajedništva, međusobnog poštovanja i nastavka međunarodne saradnje među školama i partnerima projekta.

USPJESI NAŠIH UČENIKA NA TAKMIČENJIMA

KANTONALNA TAKMIČENJA

TEHNIČKA KULTURA

Na Kantonalnom takmičenju iz tehničke kulture učenici naše škole ostvarili su zapažene rezultate. Arman Čolpa osvojio je 2. mjesto, Merjem Delić 3, Ena Ekinović 5, Adin Behram 18. i Ajna Skenderović 23. mjesto. Ekipno su osvojili odlično 6. mjesto. Učenike su pripremali nastavnici tehničke kulture Suvada Prcić, Selma Škoro, Hajra Fazlić i Salko Križevac.



ATLETIKA

Na Kantonalnom takmičenju iz atletike za osnovne škole naše učenice su još jednom pokazale trud, zalaganje i sportski duh. Nada Selimović osvojila je odlično 2. mjesto, dok su Ajša Pindžo i Lamija Močević značajno popravile svoje rezultate u odnosu na opštinsko takmičenje. Na dostojanstven način predstavile su svoju školu i pokazale kako se bori za boje svog kolektiva. Učenice je pripremao nastavnik Mirnes Bešić.

BOSANSKI JEZIK I KNJIŽEVNOST

Na Kantonalnom takmičenju iz bosanskog jezika i književnosti učenici naše škole osvojili su odlične rezultate. Učenik VIII razreda Zeid Porić osvojio je 2, a Lejla Omerović, učenica VII razreda, osvojila je 13. mjesto. Nastavnice Alma Čenanović i Nermina Dedić su pripremale učenike za takmičenje.



HISTORIJA

Na Kantonalnom takmičenju iz historije učenik naše škole Hasan Hasanspahić, VII- osvojio je 8. mjesto. Učenika je za takmičenje pripremala nastavnica Lejla Šošić.

POSJETE, PROJEKTI, OBIJEŽAVANJA DATUMA, PRIREDBE...



SAMO DA RATA NE BUDE...

Učenci V-3 i VI-1 odjeljenja naše škole prisustvovali manifestaciji „Samo da rata ne bude“ koja je održana 6. maja povodom obilježavanja Dana sjećanja na ubijenu djecu opkoljenog Sarajeva 1992-1995 godine.

FESTIVAL DJEČIJE UMJETNOSTI

U okviru obilježavanja 12. Festivala dječije umjetnosti Sarajevo naša škola bila je domaćin književno-kreativne radionice "Od škole do škole", Mali književni karavan. Gosti su bili književnica Atina Musić i mali ambasador dječijeg festivala Ahmed Nur Mehmetović.



U SUSRET PROLJEĆU

Učenci IV-4 zajedno sa učiteljicom realizovali su priredbu, te kroz zanimljiv zabavno-muzički sadržaj obilježili dolazak proljeća.

POSJETA SAJMU KNJIGE

Učenci naše škole posjetili su u pratnji nastavnice Alme Čenanović Sajam knjige koji je trajao od 22. do 27. 4 2026. godine u Centru „Skenderija“ pod motom „Put knjige“.



POSJETA NARODNOM POZORIŠTU



Učenci prvog razreda su 11. 5. 2026. godine posjetili Narodno pozorište gdje su prisustvovali koncertu za djecu „Mala noćna muzika“ u izvođenju Sarajevske filharmonije. Djeca su imala priliku uživati u djelima poznatih kompozitora kao što su Wolfgang Amadeus Mozart, Pyotr Ilyich Tchaikovsky i Johann Strauss II, te steći jedno lijepo i edukativno muzičko iskustvo.

POSJETE, PROJEKTI, OBILJEŽAVANJA DATUMA, PRIREDBE...



POSJETA MUZEJU

Učenici IV-1 odjeljenja su 15. 5. 2026. godine u pratnji učiteljice Feride Brezac i asistentice Elvise Međuseljac posjetili Zemaljski muzej. Tom prilikom realizirana je radionice u okviru aktivnosti „Kad muzeji progovore“ iz programa „Kultura sjećanja“.

POSJETA IZLOŽBI

Učenici Ajna Kopic, Fatma Goro i Sanin Muhović su 14. 5. 2026. godine u pratnji nastavnice likovne kulture Adile Kapetanović Hamzić posjetili izložbu likovnih radova u organizaciji Matice hrvatske, sretni što su i njihovi radovi eksponati na izložbi. Na povratku su obišli i Srednju školu primijenjenih umjetnosti i izložbu radova u njihovoj galeriji.



SVJETSKI DAN PISANJA PISAMA I MEĐUNARODNI DAN PORODICE

Učenici VI razreda i članovi Novinarske i Bibliotekarske sekcije obilježili su Svjetski dan pisanja pisama i Svjetski dan porodice kroz zanimljive i kreativne aktivnosti. Pisali su pisma članovima porodice, svojim nastavnicima, ali i likovima iz književnih djela izražavajući zahvalnost, divljenje i ljubav. Razgovarali su o važnosti porodice, međusobnog poštovanja i njegovanja lijepih odnosa. Izložba učeničkih radova postavljena je ispred biblioteke.



Maturanti OŠ "Aleksa Šantić"

PREDSTAVLJANJE MATURANATA



ŠKOLSKA 2025/26. GODINA

Maturanti OŠ "Aleksa Šantić"

PREDSTAVLJANJE MATURANATA



ŠKOLSKA 2025/26. GODINA

Maturanti OŠ "Aleksa Šantić"

PREDSTAVLJANJE MATURANATA



ŠKOLSKA 2025/26. GODINA